

Wárágà Yòwánì dré tìsìle dhi ni àlò

© 2016 Wycliffe Bible Translators, Inc.

Licence - Creative Commons CC:BY-NC-ND

Wárágà Yòwánì dré tisìle dhi ni àlo

Wárágà kònìdhi ni tà àndu ngìle drìdrì dhi

À adré kisùá dhi, dhya wárágà kònìdhi ni tisìlepi dhi tá Yòwánì, àpòstolò ki àlo 'i, ìndì Èkèlézyà ni drì kobhá kàdrì dhi ki àlo 'i. Tágba à dré adrézó Yòwánì nda ni rú kisú wárágà kònìdhi léna ko dhi, à ni kitswá nòá ngádra 'á dhi, dhya wárágà kònìdhi ni tisìlepi dhi tá dhya Yésu ni tà nobhá mì sè dhi ki àlo 'i (1:1-4).

Yòwánì adré wárágà kònìdhi ni tisì tà kàdrìkàdrì rì dhi i sè. Àlo ni, adré móndyá ka'ìbhá dhi ki kodzó tàzoá dhi, ngóro ì dré ru amúlé Gìká Atá be, ìndì akódhi ni Mvá, Yésu Krísto be dre dhi tìni dhi, lè ì kàdré adrélé àyi léna. Ì kàdré kpà tròle tà ì dré yìle àpòstolò i tí dhi i rú. Adré kpà tàá dhi, dhya ángùdhi Gìká ni nìlepi bàti dhi ni kpà akódhi ni tòlí ki ka'ì 'òle. Kòdhi adré tàá dhi, ì ni Gìká ni Mváagó, Yésu Krísto ni ka'ì, adrézó kpà ru le àyi kòfalésè. Tàko ko, Gìká ni tàndì lèle 'i (3:11-24; 4:7-21).

Rì ni, Yòwánì adré àyi ki kodzó, ì kàdréro àyi ki líkí tà pròfétà kinzò ro dhi ì dré adrélé tadhálé dhi ki tà sè. Adré tàá dhi, ì kàdré móndyá títi dhi ki tabhì, nìzoá ngalè tírì àyi léna dhi i Tírì Gìká àdhya 'i bàti yà dhi (4:1-6). Adré kpà àyi ki kodzó tàzoá dhi, ì lavú bvò kònìdhi dre, ìndì Tírì adrélépi àyi lé dhi kàdrì, tírì adrélépi bvò kònìdhi lé dhi ni lavú (4:4).

Tà kàdrìkàdrì wárágà kònìdhi léna dhi ki atìma

- 1) Kúlì adrélépi lídrì fe dhi (1:1-4)
- 2) Ngádra i tìnímvá be dhi (1:5–2:29)
- 3) Gìká ni ànzi i Dzáborò kya íbe dhi i (3:1-24)
- 4) Tà bàti i kinzò be dhi (4:1-6)
- 5) Gìká ni lèle, ìndì ru lèma àma kòfalésè dhi (4:7-21)
- 6) Gìká ni Mváagó ni ka'ìma (5:1-21)

1

Kúlí adrélépi lídrì fe dhi

¹ Mâ adré dhya adrélépi tá be kínó tà títi dhi ki kidhoma lésè, mà dré yìle, mà dré nòle mì sè, mà dré tabèle, ìndì mà dré tà ni ni kisùzo dhi ni tà longó kòdhya. Akódhi nda Kúlí adrélépi lídrì fe dhi 'i. ² Lídrì nda apfò tá àma kòfalé gò, mà dré nòzoá. Dì mà adré tà mà dré nòle mì sè nda ni tà ta, adrézó lídrì kóná vèsè kólyá adrélépi tá Gìká Atá véna gò, dré apfòzo àma kòfalé nda ni tà longó kòdhya. ³ Mâ adré tà mà dré nòle ìndì mà dré yìle nda ni longó àmi dré, mì kàmúró kpà ru àma íbe adrélé tùmání be dhi bvó. Àma, mà amú ru Gìká Atá be, ìndì akódhi ni Mvágó, Yésu Krísto be dre. ⁴ Mâ adré tà kòdhi ki tisì, mà kàdréro lenzélé tùmání àmi íbe kitswálé títi.

Atsima ngádra 'ásè dhi

⁵ Tà mà dré yìle Yésu Krísto nda tí gò, mà dré adrézó longóá àmi dré dhi, tà kònìdhi 'i: Gìká ngádra 'i, ìndì akódhi léna dhi, tínímvá àlomvá yókódhó. ⁶ Mâ kàdré tàá dhi, mà amú ru Gìká be dre gò, mà dré adrézó atsílé tínímvá na dhi, kòdhi mà adré kinzò ta, ìndì mà adré atsílé tà bàti na ko. ⁷ Dì, mà kàdré àmakya atsílé ngádra 'ásè ngóro Gìká ni tàndì dré adrélé ngádra 'á dhi tíni dhi, mà amú ru àma kòfalésè gò, akódhi ni Mvá, Yésu ni kàrí dré adrézó àma ki temvé tàkonzì wáyi dhi i lésè.

⁸ Mâ kàdré tàá dhi, àma tàkonzì àko dhi, kòdhi mà adré àma ki tàndì ki lítí, ìndì tà bàti àma léna yókódhó. ⁹ Dì, mà kàdré àma ki tàkonzì ki ta ngádra 'á Gìká kandrà dhi, akódhi ni àma ki tàkonzì nda ki tri gò, àma ki temvézó àma ki tà kònzi wáyi dhi i lésè. Tàko ko, akódhi gyăgya, ìndì kitswá adrélé ka'ile togó wáyi sè. ¹⁰ Mâ kàdré tàá dhi, mà 'o tàkonzì ko dhi, mà adré Gìká ni bha kinzò líyí ro, adrézó kpà tadhá dhi, akódhi ni kúlí àma léna yókódhó.

2

Krístico, dhya adrélépi àma ki tàrá ga dhi 'i

¹ Áma ànzi i, má adré tà kòdhi ki tisì àmi dré, mì kò'oró tàkonzì ko dhi bvó. Di, dhya àlo kò'o tàkonzì dhi, àma dhya adrélépi àma ki tàrá ga Gìká Atá kandrà dhi íbe. Akódhi nda Yésu Krístico, dhya adrélépi gyăgya dhi 'i. ² Gìká afè akódhi dràle mòbòmà ro, àma ki tàkonzì ki trizo ásà. Ngbà 'í tàkonzì àmakya 'i ko, afè akódhi dràle mónyá tíí bvò àdhya ki tàkonzì ki trizo.

³ Mà kàdré Gìká ni tòlí ki ka'ì 'òle dhi, mà ni tàle dhi, mà ni akódhi bàti dhi be. ⁴ Dhya adrélépi tàá dhi «Má ni akódhi be» gò, dré adrézó akódhi ni tòlí ki ka'ì 'òle ko dhi, dhya nda kinzò líyí 'i, ìndì tà bàti akódhi léna yókódhó. ⁵ Di, dhya adrélépi ína akódhi ni kúlí ka'ì 'òle dhi adré tadhá dhi, Gìká ni lèle ga akódhi léna kitswálé tíí. Tà kòdhi sè dhi, mà ni tàle dhi, àma akódhi léna dhi be. ⁶ Lè dhya ángùdhi adrélépi tàá dhi, í adré adrélé akódhi léna dhi, kàdré atsílé ngóró Yésu ni tàndi dré atsílé dhi tíni.

Tòlí tídhí ro dhi

⁷ Áma arúpi má dré lèle tò ni i, má adré tòlí tídhí ro dhi ni tisì àmi dré kòdhya ko. Be ró dhi, tòlí má dré adrélé tisìle kòdhi, tòlí àku mì dré kisúlé adrézó ába kídhólé kídhoma lésè dhi 'i. Tòlí àku nda kúlí mì dré yìle dre dhi 'i. ⁸ Tágba kònìni dhi, má adré kpà tòlí tídhí ro dhi ni tisì àmi dré kòdhya. À ni kitswá tà bàti tòlí nda àdhya ni no Krístico na, ìndì àmi léna. Tàko ko, tínímvá adré akílé, ìndì ngádra bàti dhi kídhó adrélé nga kazá dre.

⁹ Dhya adrélépi tàá dhi, i ngádra 'á gò, dré adrézó togó kònzì bha áyi adrúpi rú dhi, dhya nda dhu rè tínímvá na. ¹⁰ Dhya adrélépi áyi adrúpi ni le dhi adré atsílé ngádra 'ásè, ìndì tà àlo kitswálépi akódhi ni 'o dhèle dhi akódhi léna yókódhó.

¹¹ Di, dhya adrélépi ína togó kònzì bha áyi adrúpi rú dhi, dhu rè tínímvá na, ìndì adré atsílé tínímvá na. Akódhi nda ni ngalè í adré lèle ángolé ya dhi ko. Tàko ko, tínímvá nda 'o akódhi ni mì adùle dre.

¹² Àmi, áma ànzi i, má adré tà tisì àmi dré,
Gìká dré àmi ki tàkonzì trìle Krístico ni rú sè dhi sè.

¹³ Àmi, ànzi ki atá i, má adré tà tisì àmi dré,

mì dré dhya adrélépi be tà tíí dhi kî kidhoma lésè dhi ni nìle be dhi sè.
 Àmi, tódhíbhá i, má adré tà tisì àmi dré,
 mì dré Dhya kònzì ni lavúlé dre dhi sè.
¹⁴ Àmi, áma ànzì i, má tisì tà àmi dré,
 mì dré Giká Atá ni nìle be dhi sè.
 Àmi, ànzì kî atá i, má tisì tà àmi dré,
 mì dré dhya adrélépi be tà tíí dhi kî kidhoma lésè dhi ni nìle be dhi sè.
 Àmi tódhíbhá i, má tisì tà àmi dré,
 mì dré adrélé rìnyi ró dhi sè,
 Giká ni kúlí dré adrélé àmi léna dhi sè,
 ìndì mì dré Dhya kònzì ni lavúlé dre dhi sè.

Bvò kònìdhi ni tà lèma ko dhi

¹⁵ Lè mì kàdré bvò kònìdhi 'i yà, kó ngalè tà bvò kòndì àdhya 'i yà dhi kî le ko.
 Dhya àlo kàdré tà bvò kòndì àdhya kî le dhi, Giká Atá ni lèle akódhi léna
 yókódhó. ¹⁶ Tàko ko, tà bvò kòndì àdhya i, tà kòni 'i: lovó kònzì rúbhá àdhya i,
 lovó kònzì ngá adrélé nòle mì sè dhi i sè dhi i, ìndì dhya kî afàma ngá adrézó ába
 dhi kî tà sè dhi. Tà nda kòdhi ì adré angálé Giká Atá vélésè ko. Be ró dhi, ì adré
 àyikya angálé bvò kònìdhi lésè. ¹⁷ Bvò kònìdhi i lovó kònzì bvò kòndì àdhya íbe
 dhi ì adré akílé akíakí. Dì, dhya adrélépi tà Giká dré adrélé lèle í kò'o dhi kî 'o dhi,
 ni ína adré lídrì íbe kóná vésè kólyá.

Krístò ni kàribhá ni atsama

¹⁸ Áma ànzì i, lókyá ándrò kònìdhi lókyá kùdù 'i. Mì yi tàle dhi, Krístò ni
 kàribhá ni dra atsá dhi 'í. Dì ndìndì nyànomvá dhi, Krístò ni kàribhá bí dhi ì apfò
 dre. Tà nda sè dhi, mà nì tàle dhi, kònìdhi lókyá kùdù 'i dhi be. ¹⁹ Mòndyá nda ì
 pfò àma kî tàndì i kòfalésè. Dì, àyi tá àyikya mónnyá àmakya 'i ko. Tàko ko, ì
 kàdré tá mónnyá àmakya 'i dhi, kònò ì ni tá adré ngbú tùmání àma íbe. Dì, àyi kî
 pfòma nda adré ína tadhá dhi, àyi kî àlo tá àmakya 'i ko.

²⁰ Dì, àmi ró dhi, àmi àmikya Tírí Lólo Krístò dré kutulé àmi dri dhi íbe gò, àmi
 tíí mì dré tà bàti nìzo. ²¹ Má adré tà tisì àmi dré, mì dré tà bàti nìle ko dhi sè ko.

Be ró dhi, má adré tà tìsì àmi dré, m̀ dré tà bàti ǹle be dhi sè, ìndì tà àlo k̀nzò ro dhi dré adrélé angalé tà bàti nda lésè ko dhi sè.

²² Dì k̀nzò líyí ìna àdhi 'ì? Akódhi dhya adrélépi tàá dhi, Yésu Mèsíyà 'ì ko dhi 'ì. Dhya nda Krísto ni k̀rìbhá 'ì. Adré Gìká Atá ni ga, akódhi ni Mv́a be. ²³ Tàko ko, dhya ángùdhi adrélépi Gìká ni Mv́a ni ga dhi, akódhi Gìká Atá ìbe í léna ko. Dhya ángùdhi adrélépi Gìká ni Mv́a ni ka'ì dhi, akódhi kókpa Gìká Atá ìbe í léna.

²⁴ Àmi ró dhi, lè m̀ kàdré tà m̀ dré tá yìle k̀dhólé k̀dhoma lésè dhi k̀ líkí adrélé àmi léna. Tàko ko, tà m̀ dré yìle nda ì kàdré àmi léna dhi, àmi k̀ t̀ndì m̀ ni kpà adré Gìká ni Mv́a na, ìndì Gìká Atá na. ²⁵ Tà Krísto dré lazílé àma dré dhi, tà k̀ǹdhi 'ì: lídrì kóná vésè kólyá dhi.

²⁶ Má adré tà kòdhi k̀ tìsì àmi dré m̀ndí adrébhá láti nda k̀tswázó àmi k̀ lífí dhi k̀ tà sè. ²⁷ Dì, àmi ró dhi, m̀ k̀sú Krísto ni Tírí dré kutúlé àmi dri dhi gò, Tírí nda dré adrézó àmi léna. Ásà dhi, lè dhya àlo kògò adrélé tà tadhá àmi dré ko. Tàko ko, Krísto ni Tírí nda adré tà tífí dhi k̀ tadhá àmi dré ǹ. Tà dré adrélé tadhálé nda ì tà bàti 'ì, k̀nzò 'ì ko. Dì ngóro Tírí nda dré tadhálé àmi dré dre dhi t̀nì dhi, m̀ kàdré adrélé Krísto na.

Gìká ni ànzi ì

²⁸ Dì nyànomvá dhi, àma ànzi ì, lè m̀ kàdré adrélé Krísto na, akódhi k̀ǹ dra apfò dhi, mà kògaró tà mà dré ka'ìle bàti dhi sè b̀, adrélé kanyò àko akódhi kandrà kítú dré dra agòzo dhi tú. ²⁹ M̀ ǹ tàle dhi, akódhi gyăgya dhi be. Ásà dhi, m̀ ǹ kpà tàle dhi, dhya ángùdhi adrélépi tà gyăgya 'o dhi, m̀ndí akódhi dré tìle dhi 'ì dhi be.

3

¹ M̀ k̀sù r̀ lèle kàdrì Gìká Atá dré tadhálé àma vélé, à kàdréró àma k̀ zi akódhi ni ànzi ì ró dhi ká! Dì àma akódhi ni ànzi 'ì bàti. M̀ndyá bvò k̀ndì àdhya ì ǹ àma àdhibhá 'ì ya dhi ko, ì dré kpà Gìká Atá ni ǹle ko dhi sè. ² Àma arúpi má dré lèle tò ni ì, nyànomvá dhi, àma Gìká ni ànzi 'ì. À tadhá dhu r̀ mà ni adré ng̀nì ya

dhi ko. Di, mà nì àmakya tà kònìdhi kòdhya: Krísto kònì dra apfò dhi, mà nì adrè akódhi t́nì. Tàko ko, mà nì akódhi nì no ngóro dré adrélé dhi t́nì. ³ Dhya ángùdhi adrélépi mì bha Giká véna tà nda kòdhi sè dhi, adrè áyi tàndi nì temvé, ngóro Krísto nì tàndi dré adrélé lólo dhi t́nì.

⁴ Dhya ángùdhi adrélépi tàkonzì 'o dhi adrè Giká nì tátrítrí kúlí ño. Tàko ko, tàkonzì 'òma ína ligíma Giká nì tátrítrí kúlí rú dhi 'i. ⁵ Di, mì nì tàle dhi, Krísto apfò kitswálé àma kì tàkonzì tingá dhi be. Mì nì kpà tàle dhi, tàkonzì akódhi léna yókódhó dhi be. ⁶ Dhya ángùdhi adrélépi adrélé akódhi léna dhi kitswá gòle adrélé tàkonzì 'o ko. Dhya ángùdhi adrélépi tàkonzì 'o dhi nò akódhi rè ko, ìndì nì kpà akódhi ko.

⁷ Áma ànzì ì, mì kòtayí àmì dhya àlo dré litílé ko. Dhya ángùdhi adrélépi tà gyăgya 'o dhi gyăgya, ngóro Krísto nì tàndi dré adrélé gyăgya dhi t́nì. ⁸ Di, dhya adrélépi tàkonzì 'o dhi ína móndí Dzáborò àdhya 'i. Àngyá ko, Dzáborò nda adrè tàkonzì 'o kídholé kídhome lésè. Tà nda sè dhi, Giká nì Mvágó apfò kitswálé tà Dzáborò dré adrélé 'òle dhi kì pfu akílé dhi bvó. ⁹ Dhya ángùdhi Giká dré tile atsálé áyi mvá ro dhi kitswá gòle adrélé tàkonzì 'o ko, Giká nì tàndi nì lídrì dré adrélé akódhi nda léna dhi sè.^a Dhya nda kitswá gòle adrélé tàkonzì 'o bwà ko, Giká dré akódhi nì tile nì dhi sè. ¹⁰ Mà nì kitswá Giká nì ànzì kì nì lanzílé Dzáborò nì ànzì íbe, tà kònìdhi sè: Dhya ángùdhi adrélépi tà gyăgya 'o ko dhi, Giká nì mvá 'i ko. Dhya adrélépi áyi adrúpi nì le ko dhi kókpà Giká nì mvá 'i ko.

Ru lèma àma kòfalésè dhi

¹¹ Tà mì dré yìle kídholé kídhome lésè dhi, tà kònìdhi 'i: Lè mà kàdré ru le àma kòfalésè. ¹² Lè mà kàdré tà 'o Kàyínà àdhya t́nì ko. Akódhi nda tá móndí Dhya kònzi àdhya 'i gò, dré áyi adrúpi nì pfùzo dràle. Di, pfu tá áyi adrúpi nda dràle àdho tà sè? Pfu akódhi dràle, áyi tà 'òle dhi ì dré tá adrélé kònzi dhi sè, ìndì áyi adrúpi nì tà 'òle dhi ì dré tá adrélé gyăgya dhi sè.

¹³ Áma adrúpi ì, móndyá bvò kòndi àdhya ì kàdré togó kònzi bha àmì rú dhi, lè

^a**3:9** Giká nì Kúlí tisìle Giríkì ti sè dhi adrè tàá kònwa dhi: «Giká nì kórì dré adrélé akódhi nda léna dhi sè.»

àmi ki líndrí kàdré gàle ásà ko. ¹⁴ Mà nì tàle dhi, mà apfò dràdrà lésè affilé lídrì le dre dhi be, mà dré adrélé àma ki adrúpi ki le dhi sè. Dhya adrélépi móndí ki le ko dhi dhu rè rinyí dràdrà àdhya zàle. ¹⁵ Dhya ángùdhi adrélépi togó kònzì bha áyi adrúpi rú dhi, móndí pfùlepi dràle dhi 'i. Dì m̀ nì tàle dhi, móndyá adrèbhá móndí pfu dràle dhi ki àlo lídrì kóná vésè kólyá dhi fbe í léna ko dhi be.

¹⁶ Mà nì kitswá nìá ngalè lèle àdho 'i ya dhi, tà kònìdhi sè: Yésu Krísto fè tá áyi tàndì nì lídrì àma ki tà sè. Adré di lèá dhi, mà kàdré kókpà àma ki lídrì fe àma ki adrúpi ki tà sè. ¹⁷ Dhya àlo adrélépi ngá fbe dhi kàdré áyi adrúpi nì no adrèrà'a lemerè ro gò, dré adrézó kizà nì nì bha ko dhi, Gìká nì lèle nì kitswá adrélé akódhi nda léna ngíníngíni ró? ¹⁸ Áma ànzi i, lè mà kàdré móndí ki le ngbà 'í kúlí i sè ko, ìndì ti sè ko. Be ró dhi, mà kàdré àmakya móndí ki le tà mà dré adrélé 'òle dhi i sè ìndì tà bàti sè. ¹⁹ Mà kàdré 'òá kònìni dhi, mà nì nìá dhi, àma móndí tà bàti àdhya 'i dhi be. Mà nì kitswá kpà àma ki togó bha adrélé k̀drìk̀drì Gìká kandrà. ²⁰ Dì, àma ki togó kàdré àma ki arókì, adrézó tà bha àma dri dhi, mà nì tàle dhi, Gìká kàdrì àma ki togó lavú, ìndì akódhi nì tà títi dhi be.

²¹ Áma arúpi má dré lèle tò nì i, àma ki togó kàdré tà bha àma dri ko dhi, mà nì adrè gàle tà mà dré ka'ile bàti dhi sè b́ Gìká kandrà. ²² Mà adrè kpà tà ángùdhi mà dré adrélé zìle akódhi tí dhi nì kisú, mà dré adrélé akódhi nì tòlí ki ka'ì 'òle dhi sè, ìndì mà dré adrélé tà akódhi nì togó dré adrézó kìnílé ásà dhi ki 'o dhi sè.

²³ Dì tòlí Gìká dré afèle àma dré dhi, kònìdhi 'i: Mà kòka'ì akódhi nì Mvágó Yésu Krísto, adrézó kpà ru le àma kòfalésè, ngóro dré tá tàle mà kò'o dhi tíni.

²⁴ Dhya ángùdhi adrélépi Gìká nì tòlí ki ka'ì 'òle dhi adrè adrélé akódhi léna. Gìká adrè kpà adrélé dhya nda léna. Mà nì kitswá nìá dhi, Gìká adrè adrélé àma léna dhi, tà kònìdhi sè: Mà nì nìá Tírí Lólo Gìká dré afèle àma dré dhi sè.

4

Tírí móndí i lé dhi ki tabhìma

¹ Áma arúpi má dré lèle tò nì i, lè m̀ kàdré móndyá títi adrèbhá tàá dhi, áyi Gìká nì Tírí fbe áyi léna dhi ki ka'ì ko. Be ró dhi, m̀ kàdré áyi nda ki tabhì, nìzoá

ngalè tirí àyi lé dhi ì angá Giká vélésè bàti yà dhi. Tàko ko, pròfètà kinzò ro bǐ dhi ì apfò ayílé bvò wáyi 'ásè dre. ² Mì ni di kitswá nìá ngalè tirí àyi lé nda ì Tirí Giká àdhya 'i yà dhi, tà kònìdhi sè: Dhya ángùdhi adrélépi ka'ia tàle dhi, Yésu Krísto atsá bvò kònìdhi 'á móndí ro káyà dhi, dhya nda Tirí Giká àdhya íbe í léna. ³ Di, dhya ángùdhi adrélépi Yésu ni tà ga rè dhi, dhya nda Tirí Giká àdhya àko í léna. Tirí akódhi nda léna dhi, tirí Krísto ni kàribhá àdhya 'i. Mì yi tàle dhi, Krísto ni kàribhá nda adrè alìle. Di akódhi nda atsá adrélé bvò kònìdhi lé dre.

⁴ Di, áma ànzi ì, àmi àmíkya móndí Giká àdhya 'i. Mì lavú kpà pròfètà kinzò ro nda ì dre. Tàko ko, Tirí adrélépi àmi lé dhi kàdrì, tirí adrélépi bvò kònìdhi lé dhi ni lavú. ⁵ Àyi nda ì móndyá bvò kòndi àdhya 'i. Ásà dhi, ì adrè tà ta ngóro móndyá bvò kòndi àdhya kya tìni gò, móndyá bvò àdhya ì dré adrézó àyi kì kúlí yi. ⁶ Di, àma àmakya móndí Giká àdhya 'i. Dhya ángùdhi Giká ni nìlepi be dhi adrè àma kì kúlí yi. Di, dhya ángùdhi adrélépi Giká àdhya ró ko dhi adrè ína àma kì kúlí yi ko. Tà nda kòdhi sè dhi, mà ni kitswá Tirí tà bàti àdhya ni ni lanzilé tirí kinzò àdhya be.

Giká lèle 'i

⁷ Áma arúpi má dré lèle tò ni ì, mà kàdré ru le àma kòfalésè. Tàko ko, lèle adrè angalé Giká vélésè. Dhya ángùdhi adrélépi móndí kì le dhi, akódhi nda Giká ni mvá 'i. Akódhi ni kpà Giká be. ⁸ Dhya ángùdhi adrélépi móndí kì le ko dhi ni ína Giká ko. Tàko ko, Giká lèle 'i. ⁹ Giká tadhá àyi lèle àma véle dhi tà kònìdhi sè: Amù àyi Mvágó àlo kwákwá dhi alìle bvò kònìdhi lé, mà kòkitswá ró lídrì kisú akódhi sè be dhi bvó. ¹⁰ À adrè lèle nda ni no tà kònìdhi sè: Mà lè tá Giká àma ko. Be ró dhi, akódhi lè ína àma nì gò, àyi Mvágó ni amùzo kitswálé dràle mòbòmà ro, àma kì tàkonzì kì trizo ásà.

¹¹ Áma arúpi má dré lèle tò ni ì, Giká kòlè àma tò kònìni dhi, lè mà kàdré kókpà ru le àma kòfalésè. ¹² Dhya àlo nò rè tàdzí Giká ko. Di, mà kàdré ru le àma kòfalésè dhi, kòdhi adrè tadhá dhi, Giká adrè adrélé àma léna, ìndì akódhi 'o àyi lèle gàle àma léna kitswálé tíí.

¹³ Mà ni kitswá nìá dhi, mà adrè adrélé Giká léna, ìndì akódhi adrè adrélé àma

léna dhi, tà kònìdhi sè: Dré áyi Tirí afèle àma dré dhi sè. ¹⁴ M̀à nò tà kòdhi mì sè gò, mà dré adrézó longóá dhi, Giká Atá am̀ù áyi Mv́aagó adrélé mónyá bvò àdhya ki tídrílépi ró. ¹⁵ Dhya àlo kàdré ka'íá tàle dhi, Yésu Giká ni Mv́aagó 'i káyà dhi, Giká adré adrélé dhya nda léna, ìndì akódhi nda adré adrélé Giká léna. ¹⁶ Dì àma, mà nì lèle Giká dré tadhálé àma véle dhi be gò, mà dré adrézó ka'íá.

Giká lèle 'i. Dhya ángùdhi adrélépi atsílé lèle na dhi, adré adrélé Giká léna, ìndì Giká adré adrélé akódhi nda léna. ¹⁷ Tà nda sè dhi, lèle nda adré tà 'o àma kòfalé kitswálé títi, mà kògaró tà mà dré ka'ile bàti dhi sè b́i Giká kandrá, kítú dré dra tàbvó tàzo dhi tú. Tàko ko, àma ki lídrì bvò kònìdhi lé dhi ngóro Krísto àdhya tíni. ¹⁸ Lèle na dhi, tirì yókódhó. Be ró dhi, lèle kitswálépi títi dhi adré ína tirì dro. Dhya ángùdhi adrélépi ngá ro dhi, lèle ga rè akódhi nda léna kitswálé títi ko. Tàko ko, akódhi adré ngá ro, à nì dra tà ̀o í dri dhi sè.

¹⁹ Àma ró dhi, mà adré móndí ki le, Giká dré zyà àma ki lèle drìdrì nì dhi sè. ²⁰ Dhya àlo kàdré tàá dhi «Má adré Giká ni le» gò, dré adrézó togó kònzi bha áyi adrúpi rú dhi, akódhi nda kìnzò líyí 'i. Tàko ko, dhya adrélépi áyi adrúpi í dré adrélé nòle mì sè dhi ni le ko dhi, kitswá ína Giká í dré adrélé nòle mì sè ko dhi ni le bwà ko. ²¹ Dì tòlí Giká dré afèle àma dré dhi, kònìdhi 'i: Lè dhya adrélépi Giká ni le dhi kàdré kókpà áyi adrúpi ni le.

5

Giká ni Mv́aagó ni ka'ima

¹ Dhya ángùdhi adrélépi ka'íá dhi Yésu Mèsíyà 'i káyà dhi, akódhi nda Giká ni mv́a 'i. Dhya ángùdhi adrélépi ànzi ki atá ni le dhi, adré kókpà akódhi ni ànzi ki le. ² M̀à nì kitswá niá dhi, mà adré Giká ni ànzi ki le dhi, tà kònìdhi sè: M̀à dré adrélé Giká ni le dhi sè, ìndì mà dré adrélé akódhi ni tòlí ki 'o dhi sè. ³ Tàko ko, mà kàdré Giká ni le bàti dhi, mà nì akódhi ni tòlí ki ka'ì 'òle. Akódhi ni tòlí nda ki 'òma kòkòròko àma dré ko. ⁴ Àngyá ko, dhya adrélépi Giká ni mv́a ro dhi lavú bvò kònìdhi dre. Tà mà dré adrézó bvò kònìdhi ni lavú ásà dhi, àma ki tà ka'ika'ì 'i. ⁵ Dì àdhi ni kitswá bvò kònìdhi ni lavú dhi nì? Ngbà 'í dhya adrélépi ka'íá tàle

dhi, Yésu Giká ni Mváagó 'i dhi 'i.

Tà longólé Yésu Krísto ni tà dri dhi

⁶ Yésu Krísto, dhya atsálépi bvò kònìdhi 'á kitswálé bàtísimò do, ìndì kitswálé kàrí kutú dhi 'i. Akódhi atsá tá ngbà 'i bàtísimò do ko. Be ró dhi, atsá ína kitswálé bàtísimò do yí sè, ìndì kitswálé áyi kàrí kutú. Dì Tírí Lólo adré tadhá àma dré dhi, tà nda tà bàti 'i dhi nì. Tàko ko, Tírí nda tà bàti 'i. ⁷ Tà adrèbhá tadhá dhi, tà nda tà bàti 'i dhi na: ⁸ Tírí Lólo, yí ìndì kàrí. Dì tà na nda ì adré ru kisú adrézó tà àlo ta kòdhya. ⁹ Mà adré gà tà mómndí ì dré adrélé longólé dhi ká ka'ì. Dì, tà Giká dré longólé dhi ína kàdrì tà nda ká lavú. Àngyá ko, Giká longó tà nda áyi tàndì ni Mváagó ni tà dri. ¹⁰ Dhya ángùdhi adrélépi Giká ni Mváagó ni ka'ì dhi, dhya nda tà Giká dré longólé nda íbe í léna. Dì, dhya adrélépi Giká ni ka'ì ko dhi adré ína akódhi ni bha kinzò líyí ro, dré tà Giká dré longólé áyi Mváagó ni tà dri dhi ni ka'ile ko dhi sè. ¹¹ Dì tà longólé nda, tà kònìdhi 'i: Giká afè àma dré lídrì kóná vèsè kólyá dhi, ìndì mà adré lídrì nda ni kisú akódhi ni Mváagó na. ¹² Dhya ángùdhi adrélépi Giká ni Mváagó nda íbe dhi kókpà lídrì nda íbe í léna. Dì, dhya adrélépi Giká ni Mváagó nda àko í léna dhi kókpà lídrì nda àko.

Yòwánì ni kúlí kùdù

¹³ Má adré tà kòdhi ká tísì àmi adrèbhá Giká ni Mváagó ni ka'ì dhi ì dré, mì kòkitswáró niá dhi, àmi lídrì kóná vèsè kólyá dhi íbe dhi be. ¹⁴ Tà mà dré adrélé ka'ile bàti Giká kandrà dhi, tà kònìdhi 'i: Mà kàdré tà zi akódhi tí ngóro dré adrélé lèle dhi tñi dhi, akódhi adré àma ká yi. ¹⁵ Dì mà dré nìle, akódhi adré àma ká yi dhi sè dhi, mà nì kpà tàle dhi, mà adré tà ángùdhi mà dré adrélé zìle akódhi tí dhi ni kisú dhi be.

¹⁶ Dhya àlo kàdré áyi adrúpi ni no adrérà'a tàkonzè 'o gò, tàkonzè nda dré adrézó dhyá ká dri lèle dràdrà kisú ko dhi, lè dhya nda kòzi tà Giká tí akódhi nda dré gò, Giká kòfèró lídrì akódhi dré. Má adré ngbà 'í mómndyá àyi ká tàkonzè dré adrézó àyi ká dri lèle dràdrà kisú ko dhi ká tà ta kòdhya. Tàkonzè adrélépi dhyá ká dri lèle dràdrà kisú dhi be. Má adré tàà dhi, à kàdré tà zi Giká tí mómndyá tàkonzè làsú be kònìni dhi ká 'obhá dhi ì dré dhi ko. ¹⁷ Tà kònzì títi adrélé 'òle dhi ì, tàkonzè 'i. Dì,

tàkonzì adrélépi dhyá kí dri lile dràdrà kisé ko dhi be.

¹⁸ Mà nì tàle dhi, dhya adrélépi Giká nì mvá ro dhi kitswá gòle adrélé tàkonzì 'o ko dhi be. Tàko ko, Giká nì Mvágó adré akódhi nda nì líkí gò, Dhya kònzì dré kitswázó akódhi nì 'o kònzì ko. ¹⁹ Mà nì tàle dhi, àma mómí Giká àdhya 'i dhi be. Mà nì kpà, mómíyá tíí bvò kòndi àdhya i Dhya kònzì nì rinyí zàle dhi be. ²⁰ Mà nì kpà tàle dhi, Giká nì Mvágó atsá bvò kòndhi 'á gò, dré tògyá afèzo àma dré, mà kòkitswáró Giká adrélépi bàti dhi nì ni be dhi bvó. Di mà adré adrélé Giká bàti nda léna, adrélé kókpà akódhi nì Mvá, Yésu Krísto léna. Akódhi nda Giká bàti dhi 'i, ìndì lídrì kóná vésè kólyá dhi 'i.

²¹ Áma ànzì i, mì kàdré àmi kí líkí giká tàko kí tà sè.